

敦
煌
文
鈔

正
中
書
局
印
行

盧
前
編

敦
煌
文
鈔

正
中
書
局
印
行

曲二十一首。經觀堂王氏、彊邨朱氏、半農劉氏先後校正。至今尙非定本。然是詞之所從出也。此十七卷者。燉煌文軌故已略備。於是或云淺淺俗辭。不登大雅。不知文軌無有雅俗。凡此莫非上乘。不特取其佚逸之足補。亦藉窺文章體制之原委焉。惜譌字衍文。盈篇累牘。用以暇日。潛心考訂。彙錄一編。取資諷詠。題曰燉煌文鈔云。中華民國第一辛巳冬至日盧前膏渥居記。

燉煌文鈔

金陵盧 前錄

晏子賦

昔者齊晏子使於梁國爲使。梁王問左右對曰。其人形容何似。左右對曰。使者晏子極其醜陋。面目青黑。且唇不附齒。髮不附耳。腰不附踝。既良觀占不成也。梁王見晏子。遂喚從小門而入。梁王問曰。卿是何人。從吾狗門而入。晏子對王曰。王若置造作人之門。卽從人門而入。君是狗家。卽從狗門而入。有何恥乎。梁王曰。齊國無人遣卿來。晏子對曰。齊國大臣七十二相。並是聰明志惠。故使向智梁之國去。臣最無志。遣使無志國來。梁王曰。不道卿無智。何以短小。晏子對王曰。梧桐樹雖大。裏空虛。井水雖深。裏無魚。五尺大蛇。怯蜘蛛。三寸車轄。製車輪。得長何益。得短何嫌。梁王曰。不道卿短小。何以黑色。晏子對王曰。黑者天地口性也。黑牛之肉。豈不可食。黑牛駕車。豈可無力。黑狗趁兔。豈可不得。黑雞長鳴。豈可無則。鴻鶴雖白。長在野田。鬻車雖白。恆載死人。漆雖黑。嚮在前。墨槌雖黑。在王邊。採桑椹黑者。先嘗之。山言見大何益。晏子對王曰。劍雖尺三。能定四方。麒麟雖小。聖君瑞應。箭雖小。煞猛虎。小鎚能鳴大鼓。方之此言。見大何意。梁王問曰。不道卿黑色。卿先祖是誰。晏子對王曰。體有於鬻。生於事。糲糧稻米出。

於糞土。健兒論切。僇兒說苦。今臣共其王言。何勞問其先祖。王乃問晏子曰。汝知天地之綱紀。陰陽之本性。何者爲公。何者爲母。何者爲左。何者爲右。何者爲夫。何者爲婦。何者爲妻。何者爲裏。風從何處出。雨從何處來。霜從何處下。露從何處生。天地相去幾千萬里。何者是小人。何者是君子。晏子對王曰。九九八十一。天地之綱紀。八九七十二。陰陽之性。天爲公。地爲母。日爲夫。月爲婦。南爲妻。北爲裏。東爲左。西爲右。風出高山。雨出江海。霜出青天。露出百草。天地相去萬萬九千九百九十里。富貴是君子。貧者小人。出語不窮。是名晏子。

韓朋賦

昔有賢士。姓韓名朋。少小孤單。遭喪遂失父。獨養老母。謹身行孝。用身爲主。意遠仕憶母。獨注賢妻。成
功素女。始年十七。名曰貞夫。已賢至聖。明顯絕華。形容窈窕。天下更無。雖是女人身。明解經書。凡所造
作。皆今天符。入門平日。意合同居。共君作誓。各守其軀。君不須再娶婦。如魚如水。妾亦不再嫁。死事一
夫。韓朋出遊。仕於宋國。期去三年。六秋不飯。朋母憶之心煩。其妻寄書與人。恐人多言。意欲寄書與
鳥。鳥恆高飛。意欲寄書與風。風在空虛。書君有感。直到朋前。韓朋得書。解讀其言。書曰。浩浩白水。迴波

如流皎皎明月。浮雲映之。青青之水。各憂其時。失時不種。如豆不華。萬物吐化。不爲天時。久不相見。心中在思。百年相守。竟一好時。君不憶。親老母心悲。妾獨單弱。夜常孤栖。常懷大憂。蓋聞百鳥失伴。其聲哀哀。日暮獨宿。夜長栖栖。太山初生。高下崔嵬。上有雙鳥。下有神龜。晝夜遊戲。恆則同飯。妾今何罪。獨無光明。海水蕩蕩。無風自波。成人者少。破人者多。南山有鳥。北山張羅。鳥自高飛。羅當奈何。君俱平安。妾亦無化。韓朋得書。意感心悲。不食三日。亦不覺飢。韓朋意欲還家。事無因緣。懷書不謹。遺失殿前。宋王得之。甚愛其言。卽召羣言。并及太吏。誰能取得韓朋妻者。賜金千金。封邑萬戶。梁伯啓言。王曰。臣能取之。宋王大喜。旣出八輪之車。爪鬣之馬。使三千餘人從發道路。疾如風雨。三日三夜。往到朋家。使者下車。打門而喚。朋母出看。心中驚怕。供問喚者。是誰使者。使者答曰。我從國王使來。共朋同友。朋爲公曹。我爲主簿。朋有秋書來寄新婦。阿婆迴語新婦。如客此言。朋今事官。且得勝途。貞夫曰。新婦作夜夢惡。昏昏莫莫。見一黃地。絞妾床脚。三鳥並飛。兩鳥相搏。一鳥頭破齒落。毛下紛紛。血流洛洛。馬蹄踏踏。諸臣赫赫。上下不見。隣里之人。何況千里之客。客從遠來。終不可信。巧言利語。詐作朋書。言在外。新婦出看。阿婆報客。但道新婦病臥在床。不勝醫藥。承言謝客。勞苦遠來。使者對曰。婦聞夫書。何故不喜。必有他情。在於隣里。朋母年老能察意。新婦聞客此言。面目變青變黃。知客此語。道有他情。卽欲結息返。

失其里。遣妾看客。失此賢子。姑從今已後亦失婦。婦亦姑道下機。謝其玉液。千秋萬歲。不傷誠汝。井水淇淇。何時取汝。釜灶尅尅。何時久汝。床牕閨房。何時臥汝。庭前蕩蕩。何時掃汝。蘭菜青青。何時拾汝。出人悲啼。隣里酸禁。低頭却行。淚下如雨。上堂拜客。使者扶輿。貞夫上車。疾如風雨。朋母於後。呼天喚地。大哭。隣里驚聚。貞夫曰。呼天何益。喚地何免。駟馬一去何歸返。梁伯信連日日漸遠。初至宋國。九千餘里。光照宮中。宋王佐之。卽召羣臣。并及太吏開書卜問。怪其所以。悟士答曰。今日甲子。明日乙丑。諸臣聚集。王得好婦。言語未訖。貞夫卽至。面如凝脂。腰如束素。有好文理。宮中美女。無有及以。宋王見之。甚大歡喜。三日三夜。樂不可盡。卽拜夫貞。以爲皇后。前後侍從入其宮里。貞夫入宮。憔悴不樂。病臥不起。宋王曰。卿是庶人之妻。今爲一國之母。有何不樂。衣卽綾羅。食卽咨口。黃門侍郎。恆在左右。有何不樂。亦不歡喜。貞夫答曰。辭家別親。出事韓朋。生死有處。貴賤有殊。蘆葦有地。荆棘有藜。豺狼有伴。雉筆有雙。魚鼈百水。不樂高堂。燕若羣飛。不樂鳳凰。妾庶人之妻。不歸宋王之婦。人愁思。誰能諫。梁伯對曰。臣能諫之。朋年三十未滿。廿有餘。姿容窈窕。里發素失。齒如軻珮。耳如懸珠。是以念之。情意不樂。唯須疾害朋身。以爲囚徒。宋王遂取其言。遂打韓朋二板齒。并着故破之衣。常使築清凌之臺。貞夫聞之。痛切肝腸。情中煩怨。無時不思。貞夫咨宋王。旣築清凌臺訖。乞願暫往看下。宋王許之。賜八輪之車。棗騮之

馬前後侍從三千餘人。往到臺下。乃見韓朋割草飼馬。見妾恥把草遮面。貞夫見之。淚下如雨。貞夫曰。宋王有衣。妾亦不着。王若吃食。妾亦不嘗。妾念思君如渴思漿。見君苦痛。割妾心腸。形容憔悴。決報宋王。何足着恥。避妾隱藏。韓朋答曰。南山有樹。名曰荆棘。一拔兩刑。葦小心平。形容憔悴。無有心情。蓋聞東流之水。西海之魚。去賤就貴。於意何如。貞夫聞語。低頭却行。淚下如雨。卽裂裙前三寸之帛。卓齒取血。且作檯書。繫着箭上。射於韓朋。朋得此。便卽自死。宋王聞之。心中驚愕。卽子諸臣。若爲自死。爲人所煞。梁伯對曰。韓朋死時。有傷損之處。唯有三寸素書在朋頭下。宋王卽讀之。貞書曰。天雨霖。魚游池中。大鼓無聲。小鼓無音。王曰。誰能辨之。天雨霖。霖是其淚。魚遊池中。是其意。大鼓無聲。是其氣。小鼓無音。是其思。天下事。此是卿其言義大矣哉。貞夫曰。韓朋已死。何更再言。惟食大王有恩。以禮葬之。可不得利。後宋王卽遣人城東。斲百丈之壙。三公葬之。貞夫乞往觀看。不取久高。宋王許之。令乘業車。前後侍從三千餘人。往到墓所。貞夫下車。繞墓三匝。嗚啼悲哭。聲入雲中。喚君君亦不聞。迴頭辭百官。天能報恩。蓋聞一馬不被二鞍。一女不事二夫。言語未此。遂卽至室。苦酒侵衣。遂畦如葱。左攬右攬。隨手而無。百官忙怕。皆悉槌胸。卽遣使者報宋王。王聞此語。甚大嗔怒。床頭取劍。煞臣四五。飛輪來走。百官集聚。天下大雨。水流壙中。難可得取。梁伯諫王曰。只有萬死。無有一生。宋王卽遣捨之。不見貞夫。唯得兩石。

一青一白。宋王觀之。青石捨游道東。白石捨於道西。道西生於桂樹。道東生於梧桐。枝枝相當。葉葉相籠。根下相連。下有流泉。絕道不通。宋王出遊見之。此是何樹。對曰。此是韓朋之樹。誰能解之。梁伯對曰。臣能解之。枝枝相當是其意。葉葉相籠是其恩。根下相連是其氣。下有流泉是其淚。宋王卽遣誅罰之。三日三夜。血流汪汪。二札落水。變成雙鴛鴦。舉翅高飛。還我本鄉。唯有一毛甚相好。端政。宋王得之。卽磨芬其身。

燕子賦

此歌身自合。天下更無過。雀兒和燕子。合作開元歌。燕子實難及。能語復嚙羅。一生心快健。禽裏吏無過。居在堂梁上。御坭來作窠。追朋伴親侶。濫鳥不相過。秋冬石窟隱。春夏在人間。二月來投聚。八月卻皈口。口御長命草。餘事其閑閑。經冬若不死。今歲重迴還。遊颺雲中戲。宛轉在空中。飛還來歸舊室。冬自本窠依。藁中逢一鳥。稱名自雀兒。搖頭徑野說語裏。事啣哆。雀兒實噴唵。變弄別浮沉。知他窠窟好。乃卽橫來很問燕。何山鳥。掇地作音聲。徒勞來索窟。放你且收心。燕子語雀兒。好得輒行非。問君向者語。元本未相知。一冬來住居。溫暖養妻兒。計你合慚愧。卻被怨辯之。雀兒語燕子。恩澤莫大言。言聲定

無理不假鬚頭喧。官司有道理。正勅見明宣。空閑石得坐。雀兒起自尊。燕子語雀兒。好得合頭癡。向吾宅裏坐。卻捉主人欺。如今見我索。荒言說官司。養蝦蟆。得疥病。報你定無疑。雀兒語燕子。不由君。事鬚頭。問君行坐處。元本住何州。宅家今括客。特勅捉浮逃。黠兒別設稍。轉急且抽頭。燕聞拍手笑。不由君。事落荒。大宅居山所。此乃是吾莊。本貫屬京兆。生緣在帝鄉。但知還他窟。野語不相當。縱使無籍貫。終是不關君。我得永年福。到處卽安身。此言並是實。天下亦知聞。是君不信語。乞問讀書人。雀兒語燕子。何用苦分疏。因何得永年福。言詞總是虛。精神目驗在。活時解自如。功夫何處得。野語誑鄉閭。頭似獨吞鳥。身如七襪形。綠身豆汁染。脚手似針釘。恆常事粵大。徑欲漫胡瓶。撫國知何道。問我永年名。昔本吾王殿。燕子作巢窟。宮人夜遊戲。因便捉窠燒。當時無住處。堂樑寄一宵。其王見憐恰。慙念優亦饒。莫欺身幼小。意氣極英雄。堂樑一百所。遊颺在雲中。水上吞浮蟻。空裏接飛蟲。真城無比較。曾媧海龍宮。海龍王第三女。髮長七尺強。銜來腹底臥。燕豈在稱揚。請讀論語驗。問取公冶長。當時在縲絏。緣燕免無常。雀兒語燕子。側耳用心聽。如欲還君窟。且定鬚頭聲。赤雀由稱瑞。兄弟在天堂。公王共執手。朝野悉知名。一種居天地。受某不相當。麥熟我先食。未熟在前嘗。寒來及暑往。何曾別帝鄉。子孫滿天下。父叔遍村坊。自從能識別。慈母實心平。恆恩十善業。覺悟欲無常。飢恆餐五穀。不煞一衆生。憐君是遠

客爲此不相爭。燕子自恣嗟。不向雀兒誇。飢恆食九醞。渴卽飲丹砂。不能別四海。心裏戀洪牙。莫怪經冬隱。只爲樂山家。九住人增賤。希來見喜觀。爲此經冬隱。不是怕飢寒。幽巖實快樂。山野打盤珊。本擬將身看。卻被看人看。一獐雖然猛。不如衆狗強。窠被奪將去。嚇我作官方。空爭並無益。無過見鳳凰。雀旣被燕撮。直見鳥中王。鳳凰臺上坐。百鳥四邊圍。徘徊回顧望。見燕口銜詞。橫被強奪窠。投名訴雀兒。抱屈來諫珩。啓奏大王知。雀兒及燕子。皆總立王前。鳳凰親處分。有理當頭宣。燕子於先語。臣作一言。依實說事狀。發本述因緣。被侵宅舍苦。理屈豈感言。不分黃頭雀。朋博結豪強。燕有宅一所。橫被強奪將。理屈難緘嘿。伏乞願商量。日月雖耀赫。無明照覆盆。空辭元無力。誰肯入王門。鳳凰噓雀兒。何爲從他欺。彼此有窠窟。忽爾輒行非。雀兒向前啓。鳳凰王。今生不知窮。研細諸問。豈得信虛辭。雀兒但爲鳥。各自住村坊。彼此無宅舍。到處自安身。見一空閑窟。破壞故非新。久訪元無主。隨便卽安身。成功不了毀。不能移改張。隨便裏許坐。愛護得勞藏。燕子啓大王。雀兒漫洛荒。亦是窮奇鳥。構樑足詞章。銜泥來作窟。口裏見生瘡。王今不信語。乞問主人郎。鳳凰當處分。二鳥近前頭。不言我早悉。事狀見嘍嘍。薄媚黃頭雀。便漫說緣由。急手還他窟。不得更勾留。雀兒啓鳳凰。判付亦甘從。王遣還他窟。乞請再通容。雀兒是課戶。豈共外人同。燕子時來往。從坐不經冬。鳳凰語雀兒。急還燕子窟。我今已判定。雀兒不合過。

曦時百鳥主。法令不阿磨。理引合如此。不可有偏頗。燕子理得舍。歡喜復歡忻。雀兒終欲死。無處安身。燕子不求人。雀兒莫生嗔。昔問古人語。三鬪始成親。往者堯王聖。寫位二十年。鄭裔事四海。對面卽爲婚。元百在家患。臣鄉千埋期。燕王怨秦國。位馬變爲麟。併糧坐守死。萬代得稱傳。百挑憶朝廷。哽咽淚交連。斷馬有王義。由自不能分。午子骨罰楚。二邑亦無言。不能攀古得。二人並鳥身。緣爭破壞窟。徒特費精神。錢財如糞土。人義重於山。燕今實罪過。雀兒莫生嗔。雀兒語燕子。別後不須論。室是君家室。合理不虛然。一冬來修理。澆落悉皆然。計你合慚愧。卻搽我見王身。鳳凰住仙法。不擬煞傷人。忽然責情打。幾許愧金身。燕子語雀兒。此言亦非嗔。緣修理屋不索價房錢。一年十二月。月別伍伯文。可中論房課。定是賣君身。

茶酒賦

竊見神農嘗百草。五穀從此得分。軒轅制其衣服。流傳教示後人。蒼頡致其文字。弘子闡化儒因。不可從頭細說。撮其樞要之陳。整問茶之與酒。兩箇誰有功勳。阿誰卽合卑小。阿誰卽合稱尊。今日各須立理。強者先飾一門。茶乃出來言曰。諸人莫鬧。聽說些些。百草之首。萬木之花。貴之取藥。重之摘芽。呼

之名草。號之作茶。貢五侯宅。奉帝王家。時時獻入。一世榮華。自然尊貴。何用論誇。酒乃出來可笑詞說。自之古今。茶賤酒貴。單醪投河。三軍告醉。君王飲之。叫呼萬歲。羣臣飲之。賜卿無畏。和死定生。神明歆氣。酒食向人。終無惡意。有酒有令。仁義禮智。自合稱尊。何勞比類。茶謂酒曰。阿你不聞道。浮梁歙州。萬國來求。蜀川流頂。其山蔘嶺。舒城太湖。買婢買奴。越羣餘坑。金帛爲囊。素紫天子。人間亦少。商客來求。舡車寒道。據此蹤由。阿誰合少。酒謂茶曰。阿你不聞道。劑酒乾和。博錦博羅。蒲桃九醞。於身有潤。玉酒瓊漿。仙人盃觴。菊花竹葉。山中趙母。甘甜美苦。一醉三年。流傳今古。禮讓鄉侶。調和軍府。阿你頭惱。不須乾努。茶謂酒曰。我之茗草。萬木之心。或白如玉。或似黃金。明僧大德。幽隱禪林。飲之語話。能去昏沉。供養彌勒。奉獻觀音。千劫萬劫。諸仙佛相。飲酒能破家散宅。廣作邪姪。打却三盞以後。令人祇是罪深。酒謂茶曰。三文一凭。何年得富。酒通貴人。公卿所慕。曾道趙王彈琴。秦王擊缶。不可把茶請歌。不可爲茶交舞。茶喫只是腰痛。多喫令人患肚。一日打却十盃。腸脹又同衙鼓。若也服之三年。養蝦蟆得水病。報。茶謂爲酒曰。我三十成名。束帶巾幘。蔘海其江。來朝今室。將到市廛。安排未畢。人來買之。錢財盈溢。言下便得富饒。不在明朝後日。阿你酒能昏亂。喫了多饒啾啾。街中羅織平人。眷上少須十七。酒爲茶。曰。豈不見古人才子。吟詩盡道。渴來一盞。能生養命。又道酒是消愁藥。又道酒能養賢。古人糠粕。今乃

流傳茶賤三文五碗。酒賤中半七文。致酒謝坐。禮讓周旋。國家音樂。本爲酒泉。終朝喫你茶水。敢動些些管弦。茶爲酒曰。阿你不見道。男兒十四五。莫與酒家親。君不見。生生鳥爲酒喪其身。阿你卽道茶喫發病。酒喫養賢。卽見道有酒黃酒病。不見道有茶瘋茶顛。阿閣世王爲酒報父害母。劉伶爲酒一死三年。喫了張眉豎眼。怒鬥宣拳。狀上只言。龐豪酒醉。不曾有茶醉相言。不免求首杖子。本典索錢。大枷榼頂。背上枷榼。便卽燒香斷酒。念佛求天。終身不喫。望逸迤邐。兩個政爭。人我不知。水在旁邊。水謂茶酒曰。阿你兩個。何用忿忿忿。阿誰許你各擬論功。言詞相毀。道西說東。人生四大。地水火風。茶不得水。作何相臭。酒不得水。作何形容。米麴乾喫。損人腸胃。茶行乾喫。只糲破喉嚨。萬物須水。五穀之宗。上應乾象。下順吉凶。江河淮濟。有我卽通。亦能漂蕩天地。亦能涸煞魚龍。堯時九年災跡。只緣我在其中。感得天下欽奉。萬姓依從。由自不說能聖。兩箇用爭功。從今已後。切須和同。酒店發富。茶坊不窮。長爲兄弟。須得始終。若人讀之一本。永世不害酒顛茶風。

崔氏夫人要女文

香連寶馬。競爭輝。少女堂前。哭正悲。吾今勸汝。不須哭。三日拜哭。還得歸。教汝前頭。行婦禮。但依吾。莫

相違好事如不見。莫作本意在家時。在家作女慣嬌憐。今他作婦信前緣。欲語三思然後出。第一步。莫多言。路上逢人須斂手。尊卑迴避莫湯前。外言莫向家說。家語莫外人傳。姑章共低聲應。小郎共語亦如然。早朝堂上起居。諸房叔伯並道傳。妯娌相看若魚水。男女彼此共恩慘。上和下睦同欽敬。莫作二意有庸偏。夫壻醉來含笑問。迎願伏侍若安朋。莫向人前相罵辱。醒後定是不和顏。若能一一依吾語。何得翁婆不愛憐。故留此法相教爾。千古萬秋共流傳。白侍郎讚崔氏善女萬古傳。細名而察之。寶亦周備。養育之法。方擬事人。若之禮儀。過在父母。詩一首。亭亭獨步一枝花。紅臉青娥不是誇。作將喜良爲愁良。未慣離家往壻家。又詩一首。拜別高堂日欲敍。紅巾拭淚貴新花。徒來生處却爲客。未慣離家往壻家。上都李家印。

齟齬新婦文

夫齟齬新婦者。本自天生。門唇閣舌。務在喧爭。欺兒覩踏。罵詈高聲。翁婆共語。殊總不聽。入廚惡發。鬪粥撲餛。轟盆打甌。電釜打鑼。噴似水牛料鬥。笑似鞭轡作聲。若說軒裙。簸尾。直是世間無比。鬥亂親情。欺鄰逐里。阿婆噴着。終不合鬚。將頭白儘。竹天竹地。莫着臥床。佯病不起。見壻入來。滿眼流淚。夫問

來由。有何事意。沒可分梳。只稱是是翁婆罵我作奴作婢之相。只是和服夜睡。莫與飯喫。餓自起。阿婆向兒言說。索得箇屆期醜物。入來已我作底。新婦聞之。從床忽起。當初因甚不嫌。便卽下財下禮。色我將來。道我是底。未許之時。求神拜鬼。及至將來。說我如此。新婦乃索離書。廢我別嫁。可曾夫婿。翁婆聞道。色離書。忻忻喜喜。是與沿房衣物。更別造一床氈被。去求趁卻願。更莫逢相值。新婦道辭便去。口裏咄咄罵詈。不徒錢財產業。且離恐家老鬼。新婦慣喚。向村中自由自在。禮宜不學。女翁不愛。只是丁提竹籠。恰似傍田拾菜。如此之流。須爲監解。看是名家之流。不交自解。本性齷齪。打煞也不改。已後與兒索婦。大須穩審。趁逐莫取媒人之配。阿家詩曰。齷齪新婦甚典稅。直得新情不許見。千約萬求不取語。惱得老人腸肚爛。新婦詩曰。本性齷齪處處知。阿婆何用事卑卑。若覓下棺行婦禮。更須換卻百重皮。

周說祭曹氏文

維歲次己丑正月己卯朔十二日庚寅。社長周說等。謹以清酌之奠。敬祭于

口曹氏之靈。惟靈儀範孤標。聲口口節婦之謀。其中有志。四德備身。口口終始。纔搆疾痛。向經半祀。冬

來漸加。春來致死。千方百療。病居骨髓。針灸不損。顏容披靡。魂散荒田。魄隨水逝。庭宇寥寥。悲來填氣。使昆季兮腸斷。令幼女兮無侍。說等忝同社邑。久欽高義。是日言殞。心懷悲思。郊外相送。臨歧設祀。薄酒三瀝。願神不恥。

索滿子祭姊丈吳郎文

惟歲次未正月癸口朔廿三口酉。索滿子謹以清酌之奠。敬祭於故姊夫吳郎之

靈。志性天然。貞明特達。德備四鄰。能仁高節。何圖示疾。奄居寂滅。一門慟哭。訓育寧歇。傷割六親。痛無陳說。魂散雲天。魄歸緣結。滿子忝爲表裏。恨不自斫。想思變謝。生死忽別。路傍致祭。申之情切。願神降筵。歆領單盞。潑口尙饗。

翟良友祭太原王丈人文

維歲次丁未十月朔卅日社長翟良友等謹以口疏之奠。敬祭於故太原王丈人之靈。惟

靈辭家口里。爲國西征。英雄壯志。千代留名。性直恭謹。惠布恩性。鄉閭美德。善著聲名。一生四海。百載

深情陳雷義重。管鮑心口。口圖忽染時疾。藥餌無徵。長辭仁世。永別口春。寒風漸冷。白雪分分。輜車啓路。奠口扁靈神不昧。來此歆馨。伏惟

盧貝跛蹄雇作兒契

甲戌年正月一日立契慈惠鄉百姓盧貝跛蹄。伏緣家中欠少人力。龍勒鄉鄧訥兒鉢面上雇男延受造作口從正月至九月末。斷作雇價每月壹駄。春衣壹對。汗衫壹領。襪襠壹署。皮鞋壹兩。自雇後便須尅尅作。不得拋功壹月。忙時拋功壹月。尅物貳斗。閑時拋功一日。尅物斥。若作兒手上使用籠具。鎌刀。鐮。鐮。鑿。鑿。鑿。鑿。器什等畔。上拋扶打損。素在作兒身。不關主人之事。若收到家中。不關作兒之事。若作兒偷他菘菜。菜如羊牛等。忽如足得者。仰在作兒身上。若作兒病者。算日勒價。作兒賊打將去。壹看大例。兩共對面。平章准格。不許番悔。若先悔者。罰青麥拾駄。充入不悔人。恐人無信。故立私契。用爲憑。

太公家教

余乃生逢亂代。長祖危時。失鄉失土。淡迸留移。只欲隱山學道。不能忍凍受飢。只欲揚名於後世。復無晏之經才。輕得箔不期人師。從消人食。浪費人衣。隨緣信業。徂遂隨時之宜。輒以討論墳典。揀擇書詩。依經據史。約禮時宜。遺詩一卷。助誘童兒。留傳萬世。幸願思之。經論曲直。書論上下。易辨剛入。風流儒雅。禮尙往來。尊卑高下。得人一中。衆人寫往而不來。非成禮也。知恩報恩。風流儒雅。有恩不報。不成人也。事君盡忠。君事父盡孝。禮聞來學。

女人百歲篇

壹拾花枝兩斯兼。優柔課郝復嬖嬖。父孃憐似攜壹月。尋常不許出珠簾。
貳拾笄年花蕊春。父孃聘許事功勳。香車暮逐隨夫燭。如同簫吏曉從雲。
叁拾珠頰美小年。紗窗攬鏡口花錢。牡丹時節邀歌謠。撥棹乘船採璧連。
肆拾當家主計深。三男五女惱人心。秦箏不理貪機織。祇恐陽烏昏復沉。
伍拾連夫怕被嫌。強相迎接事嬖嬖。尋思二八多輕薄。不愁媿姑阿嫁嚴。
陸拾面皺髮如絲。行步躑躅少語詞。愁如未得溫新婦。優女隨夫別與居。

染拾衰羸爭那何。縱饒聞法豈能多。明風若有微風至。節節相連似打羅。
捌拾眼睛耳偏聾。出門喚北却來東。夢中長見親情鬼。勸妾歸來遂逝風。
玖拾雷光似電流。人間萬事一時休。寂然臥枕高床上。殘葉彫零待暮秋。
百歲山崖風似頰。如今身化作塵埃。四時祭拜兒孫絕。明月長年照土塋。

挽歌

請假不獲。隨例拜賀。台庭此伍。乾惕戰越之至。

進上挽歌

高坐星文掩。人寰巷市忙。三台投劍佩。四海哭煙霜。夕殿震號永。秋風曉更長。龍顏不可見。燒晝月更香。

憶別西涼日。來朝北闕時。千官捧口殿。獨召上龍墀。寵極孤臣懼。恩深四表知。此由殉靈駕。血淚自雙垂。

香鐔鬱金袍。求衣不重勞。方張洞庭樂。休種園山桃。鶴駕丹陵遠。龍驤碧落高。胡髯攀斷處。口抱高弓

號。

巢閣方瞻風。鳴郊忽獲麟。六宮悲晏駕。四嶽罷來巡。璽綬傳當壁。河山委大臣。自傷蒲柳質。不得扈龍輅。

七載朝金殿。千秋遇聖君。九夷瞻北極。萬國靡南熏。盛烈排軒后。崇凌壓口文。靈知河瀧士。興斷高鄉雲。

王梵志詩

兄弟須和順。叔姪莫輕欺。財物同口口。口中莫畜私。
夜眠須在後。起則每須先。家中勲檢校。衣食莫令偏。
兄弟相憐愛。同生莫異居。爲人欲得別。此則是兵奴。
好事須相讓。惡事莫相推。但能辨此意。禍去福招來。
昔日田真口。庭荆當卽衰。平章却不異。其樹復還滋。
孔懷須敬重。同氣並連枝。不見恆山鳥。孔子惡聞離。

兄弟寶難得。他人不可嗔。但尋莊子語。手足斷難論。
尊人相逐出。子莫向前行。識事須相逢。情知乏禮生。
尊人共客語。阿女在傍聽。莫向前頭鬧。喧亂作鷓鳴。
主人無床枕。昧旦提狗狐。莫學痛才漢。無事棄他門。
立身行孝道。有事莫爲愆。行使長無過。耶孃高枕眠。
耶孃行不正。不事任依從。打罵但知默。無應卽是能。
尊人嗔約束。共語莫江降。縱有些些理。無煩說短長。
有事須相問。平章莫自專。和同相用語。莫取婦兒言。
耶孃年七十。不得遠東西。出後傾危起。元知兒故違。
耶孃絕年邁。不得離傍邊。曉夜專看待。仍須省睡眠。
四大乖和起。諸方請療醫。長病煎湯藥。求神覓好師。
親中除父母。兄弟更無過。有莫相輕賤。無時始認他。
主人相屈至。客莫先入門。若是尊人處。臨時自打門。

親家會賓客。在席有尊卑。諸人未下筋。不得在前擠。
親還同席坐。知卑莫上頭。忽然人在責。可不衆中羞。
尊人立莫坐。賜坐莫背人。存坐無方便。席上被人噴。
尊人對客飲。卓立莫東西。使喚須依命。弓身莫不齊。
尊人與酒喫。卽把莫推辭。惟少由方便。圓融莫遺知。
尊人同席飲。不問莫多言。縱有文章好。留將餘處宣。
巡來莫多飲。性少自須監。勿使聞狼狽。交他諸客嫌。
坐見人來起。尊親盡遠迎。無論貧與富。一概總須平。
黃金未是寶。學問勝珠珍。丈夫無伎藝。虛話一世人。
養子莫徒使。先教勸讀書。一朝乘驪馬。還得似相如。
欲得兒孫孝。無過教及身。一朝千度打。有罪更須噴。
養兒從少打。莫道憐不答。長大欺父母。後悔定無疑。
男年十七八。莫遣倚街衢。若不行奸盜。相构卽摺蒲。

有兒欲娶婦。須擇大家兒。縱使無姿首。終成有禮儀。
有女欲嫁娶。不用絕高門。但得身超後。錢財總莫論。
欲得於身吉。無過作是非。但知牢閉口。禍去阿泥來。
醉酒妨生敬。樗蒲必破家。但看此等色。不久作窮茶。
見惡須藏掩。知賢雄讚陽。若能依此語。祕密立身方。
用物莫交索。用了送還他。損失酬高價。我嗔得也磨。
借物索不得。貸錢不肯還。頻來論卽鬪。過在阿誰邊。
鄰並須來往。借取共交通。急緩相憑仗。人生莫不從。
長幼同欽敬。稱尊莫不遵。且能行禮樂。鄉里自稱人。
庭客勿叱狗。對客莫頻眉。供給千餘自。臨時請不饑。
親客號不疏。選喚則須喚。食食寧且休。只可待他散。
爲客不呼客。去必主人嗔。欲得能行事。無週莫避人。
逢人須斂手。避道莫前湯。忽若相衝着。他強必自傷。

惡口深乖禮。條中却沒文。若能不罵詈。卽便是賢人。
見責當須避。知強遠利他。高飛能去網。豈得值伍羅。
結交須擇善。非請莫與心。若知管鮑志。還共不分金。
惡人相遠離。善者近相知。縱使天無雨。雲陰自潤衣。
有德人心下。無才意卽高。但看行濫物。若箇是堅牢。
曲使頻多擾。從饒必莫噴。但知多與酒。之艾不欺人。
惡人相觸誤。被罵必從饒。喻若菌中匪。由如得雨澆。
罵妻早是惡。打婦更無知。索強欺得客。可是丈夫兒。
有勢不煩意。欺他不自危。但看木裏火。出則自燒伊。
貧親須拯濟。富眷不煩饒。情如蘇蜜味。何用更添高。
有錢莫掣懼。不得事奢華。鄉里人憚惡。差料必破家。
他貧不得笑。他弱不得欺。但看人頭數。卽須受口口。
逢迎莫不安。口口吹二瓜。口魚衣腸裏。喜惡有千般。

在鄉須下意。爲客莫高心。相見作先拜。膝下沒黃金。
貧人莫簡棄。有食最須呼。但惠封瘡藥。何愁不奉珠。
得言請莫說。有語不須傳。見事如不見。終身無過愆。
無心莫充保。無事莫作媒。雖悉鄉人意。終身無害災。
雙陸智人戲。圍碁出專能。解時終不惡。久後與仙通。
逢爭不須看。見打莫前僞。損卽追友勝。證能總不知。
立身存篤信。景行勝將金。在處人攜接。諳知無負心。
有恩須報上。得濟莫孤恩。但看千里井。誰爲重來尋。
知恩須報恩。有恩莫不更。口在枯井中。誰能重來救。
元得他恩重。酬償勿使輕。一殮何所值。感賀百千傾。
蒙人惠一恩。終身酬不極。若濟柔下飢。扶論可惜力。
得他一束絹。還他一束羅。計特應大重。直爲歲年多。
貸人五斛米。送還一碩粟。算時應有餘。剩者充白直。

世間難舍割。無過財色深。丈夫須遠命。割斷暗迷心。
煞生最罪重。吃肉亦非輕。欲得身長命。無過點續朋。
偷盜須無命。侵欺罪更多。將他物已用。思量得夜魔。
邪淫及妄語。知非總勿作。但知依道行。萬里無迷錯。
喫肉多病報。知者不須殮。一朝無諫地。受罪始知難。
飲酒是癡報。如人落糞坑。情知有不爭。豈合岸頭行。
造酒罪甚重。酒肉俱不輕。若人不信語。檢取日槃經。
見墜須避道。莫入污却鞋。若知已有罪。莫破戒持齋。
相交莫嫉妬。相勸莫蛆停。一日無常去。王前罷平行。
見病須慈遐。諸方速療醫。若能行此行。大是不思議。
經紀須平直。心中莫側斜。些些徵取利。可可苦他家。
布施生生富。慳貪世世貧。若人苦慳惜。却却愛辛勤。
忍辱生端正。多嗔作毒蛇。若人不憚惡。必得上三車。

尋常勲念善。晝夜受書經。心裏無蛆儻。何愁事不成。
六時長禮懺。日暮廣燒香。十齋莫使闕。有力煞三場。
持戒須含忍。長齋不得曠。莫隨風火性。參差誤煞人。
逢師須禮拜。過道向前行。莫生多別相。見過不知南。
聞鐘身須側。臥轉莫前眠。萬一無常去。免至獄門邊。
師僧來乞食。必莫惜家嘗。布施無邊福。來生不少糧。
家貧從力貸。不得懶乖備。但知勲作福。衣食自然豐。
惡事總須棄。善事莫相違。知意求妙法。必得見如來。

拾遺

吾有十畝田。種在南山坡。青松四五樹。綠豆兩三窠。
熱卽池中浴。涼便岸上歌。遨遊自取足。誰能奈我何。
我見那漢死。肚裏熱如火。不是惜那漢。恐畏還到我。

我有一方便。價值百疋練。相打長伏弱。至死不入縣。

共受虛假身。共稟太虛氣。死去雖更生。迴來盡不記。以此好尋思。萬事淡無味。慰俗不如心。時時一倒醉。

草屋是風塵。牀無破氈臥。客來且喚入。地鋪稿薦生。家裏元無炭。柳麻且吹火。白酒瓦鉢藏。鐺子兩腳破。麓脯三四條。石鹽五六課。看客只寧馨。從你痛笑我。

慧眼近空心。非關髑髏孔。對面說不誠。饒你母姓董。

欺誑得錢君。莫羨得了却是輸。地便來生報答甚分明。只是換頭不識面。

多置莊田廣修宅。四鄰買盡猶嫌窄。雕牆竣宇無歇時。幾日能爲宅中客。

造作莊田猶未已。堂中哭聲身已死。哭人盡是分錢人。只哭元來心裏喜。

衆生頭兀兀。常住無明窟。心裏爲欺謾。口中佯念佛。

世無百年人。強作千年調。打鐵作門限。鬼見拍手笑。

勸君休殺命。背面彼生噴。喫他他喫汝。循環作主人。

他人騎大馬。我獨跨驢子。回顧擔柴漢。心下較些子。

家有梵志詩。生死免入獄。不論有益事。且得耳根熟。白紙書屏風。客來卽與讀。空飯手稔鹽。亦勝設酒肉。

梵志翻著襪。人皆道是錯。乍可刺你眼。不可隱我腳。
城外土饅頭。餽草在城裏。一人喫一個。莫嫌沒滋味。

韋莊秦婦吟

中和癸卯春三月。洛陽城外花如雪。東西南北路人絕。綠楊悄悄香塵滅。路旁忽見如花人。獨向綠楊陰下歇。鳳側鸞欹鬢脚斜。紅攢翠斂眉心析。借問女郎何處來。含顰欲語聲先咽。回頭斂袂謝行人。喪亂漂淪何堪說。三年陷賊留秦地。依稀記得秦中事。君能爲妾解征鞍。妾亦與君停玉趾。前年庚子臘月五。正閉金籠教鸚鵡。斜開鸞鏡懶梳頭。閒憑雕闌牖不語。忽看門外起紅塵。已見街中插金鼓。居人走出半倉皇。朝士歸來尙疑誤。是時西面官軍入。擬向潼關爲警急。皆言博野自相持。盡道賊軍來未及。須臾主父乘奔至。下馬入門癡似醉。適逢紫蓋去蒙塵。已見白旗來匝地。扶羸攜幼競相呼。上屋緣牆不知次。南鄰走入北鄰藏。東鄰向西鄰避。北鄰諸婦咸相湊。戶外崩騰如走獸。轟轟崑崑乾坤動。萬

馬雷聲從地湧。火迸金星上九天。十二官街烟烘炯。日輪西下寒光白。上帝無言空脈脈。陰雲暈氣若重圍。宦者流星如血色。紫氣漸隨帝座移。妖光暗射臺星折。家家流血如泉沸。處處冤聲動地舞。伎歌姬盡暗捐。嬰兒雅女皆生棄。東鄰有女眉新畫。傾國傾城不知價。長戈擁得上戎車。回首香閨淚盈把。旋抽金線學縫旗。纔上雕鞍教走馬。有時馬上見良人。不敢回眸空淚下。西鄰有女真仙子。一寸橫波翦秋水。妝成只對鏡中春。年幼不知門外事。一夫跳躍上金階。斜袒半肩欲相恥。牽衣不肯出朱門。紅粉香脂刀下死。南鄰有女不記姓。昨日良媒新納聘。琉璃階上不聞聲。翡翠簾前空見影。忽看庭際刀刃鳴。身首支離在俄頃。仰天掩面哭一聲。女弟女兒同入井。北鄰少婦行相促。旋解雲鬟拭眉綠。已聞擊柝壞高門。不覺攀緣上重屋。須臾四面火光來。欲下迴梯梯又摧。煙中大叫猶求救。梁上懸屍已作灰。妾身幸得全刀鋸。不敢踟躇久回顧。旋梳蟬鬢逐軍行。強展蛾眉出門去。舊里從茲不得歸。六親自此無尋處。一從陷賊經三載。終日驚憂心膽碎。夜臥千重劍戟圍。朝飡一味人肝膾。鴛幃縱入豈成歡。寶貨雖多非所愛。蓬頭面垢眉猶赤。幾轉橫波看不得。衣裳顛倒語言異。面上誇功彫作字。柏臺多半是狐精。蘭省諸郎皆鼠魅。還將短髮載華簪。不脫朝衣纏繡被。翻持象笏作三公。倒佩金魚爲兩史。朝聞奏對入朝堂。暮見喧呼來酒市。一朝五鼓人驚起。叫嘯喧爭如竊議。夜來探馬入皇城。昨日官軍

收赤水。赤水去城一百里。朝老來兮暮應至。凶徒上馬暗吞聲。女伴閨中潛色喜。皆言冤憤此時銷。必謂妖徒今日死。逡巡走馬傳聲急。又道軍前全陣入。大彭小彭相顧憂。二郎四郎抱鞍泣。汛汛數日無消息。必謂軍前已銜璧。簸旗棹劍卻來歸。又道官軍悉敗績。四面從茲多厄束。一斗黃金一斗粟。尙讓廚中食木皮。黃巢機上封人肉。東南斷絕無糧道。溝壑漸平人漸少。六軍門外倚僵尸。七架營中填餓殍。長安寂寂今何有。廢市荒街麥苗秀。採樵斫盡杏園花。修寨誅殘御溝柳。華軒繡縠皆銷散。甲第朱門無一半。含元殿上狐兔行。花萼樓前荆棘滿。昔時繁盛皆埋沒。舉目淒涼無故物。內庫燒爲錦繡灰。天街踏盡公卿骨。來時曉出城東陌。城外風煙如塞色。路傍時見游弈軍。坡下寂無迎送客。霸陵東望人煙絕。樹鎖驪山金翠滅。大道俱成棘子林。行人夜宿長安月。明朝曉至三峯路。百萬人家無一戶。破落田園但有蒿。摧殘竹樹皆無主。路旁試問金天神。金天無語愁於人。廟前古柏有殘枿。殿上金鑪生暗塵。一從狂寇陷中國。天地晦冥風雨黑。案前神水呪不成。壁上陰兵驅不得。問日徒歆奠饗思。危時不助神通力。我今愧慙拙爲神。且向山中深避匿。囊中簫管不曾聞。筵上犧牲無處覓。旋教魔鬼傍鄉村。誅剝生靈過朝夕。妾聞此語愁更愁。天遣時災非自由。神在山中猶避難。何須責望東諸侯。前年又出楊震關。舉頭雲際見荆山。如從地府到人間。頓覺時清天地閑。陝州主帥忠且貞。不動干戈惟守城。

蒲津主帥能戢兵。千里晏然無戈聲。朝攜寶貨無人問。暮插金釵唯獨行。明朝又過新安東。路上乞漿
逢一翁。蒼蒼面帶苔鮮色。隱隱身藏蓬荻中。問翁本是何鄉曲。底事寒天霜露宿。老翁暫起欲陳詞。卻
坐支頤仰天哭。鄉園本貫東畿縣。歲歲耕桑臨近甸。歲種良田二百廛。年輸戶稅三十萬。小姑慣織褐
絕袍。中婦能炊紅黍飯。千問倉兮萬斯箱。黃巢過後猶殘半。自從洛下屯師旋。日夜巡兵入村塢。匣中
秋水拔青蛇。旗上高風吹白虎。入門下馬若旋風。罄室傾囊如卷土。家財既盡骨肉離。今日垂垂一身
苦。一身苦兮何處嗟。山中更有千萬家。朝飢山草尋蓬子。夜宿霜中臥荻花。妾聞此老傷心語。竟日闌
干淚如雨。出門惟見亂梟鳴。更欲東奔何處所。仍聞汴洛舟車絕。又道彭門自相殺。野色徒銷戰士魂。
河津半是冤人血。適聞有客金陵至。見說江南風景異。自從大寇犯中原。戎馬不曾生四鄙。鋤誅竊盜
若神功。惠愛生靈如赤子。城壕固護教金湯。賦稅如雲送軍壘。奈何四海盡滔滔。湛然一境平如砥。避
難徒爲闕下人。懷安卻羨江南鬼。願君舉棹東復東。詠此長歌獻相公。

雲謠集雜曲子

鳳歸雲徧

征夫數載。萍寄他邦。去便無消息。累換星霜。月下愁聽砧杵起。寒雁口行。孤眠鸞帳裏。枉勞魂夢。夜夜飛颺。想君薄倖。更不思量。誰爲傳書。與表妾衷腸。倚牖無言垂血淚。闍祝三光。萬般無那處。一爐香盡。又更添香。

又

綠窗獨坐。修得君書。征衣裁縫了。遠寄邊隅。想得爲君貪苦戰。不憚崎嶇。終朝砂磧裏。只憑三尺。勇戰奸愚。豈知紅臉。淚滴如珠。枉把金釵卜。卦卦皆虛。魂夢天涯無暫歇。枕上長噓。待卿迴故土。容顏憔悴。彼此何如。

又

幸因今日。得觀嬌娥。眉如初月。日引橫波。素胸未消。殘雪透輕羅。口口口口口。朱含碎玉。雲髻婆娑。東鄰有女。相料實難過。羅衣掩袂。行步逶迤。逢人問語。差無力。態嬌多。錦衣公子。見垂鞭立馬。腸斷知麼。

又

兒家本是累代簪纓。父兄皆是佐國良臣。幼年生於閨閣。洞房深。訓習禮儀足。三從四德。針指分明。嫁得良人。爲國遠長征。爭名定難。未有歸程。徒勞公子肝腸斷。謾生心。妾身如松柏。守志強。週會女
堅貞。

天仙子

燕語啼時三月半。煙蘸柳條全線亂。五陵原上有仙蛾。攜歌扇。香爛漫。留住九華雲一片。犀玉滿頭
花滿面。負妾一雙偷淚眼。淚珠若得似珍珠。拈不散。知何限。串向紅絲應百萬。

又

燕語鶯啼驚覺夢。羞見鸞臺雙舞鳳。天仙別後信難通。無人問。花滿洞。休把同心千徧弄。叵耐不知

何處去。正是花開誰是主。滿樓明月夜三更。無人語。淚如雨。正是思君腸斷處。

竹枝子

羅幌塵生。幰幰悄悄。笙簧無緒理。恨小郎遊蕩經年。不施紅粉鏡臺前。只是焚香禱祝天。垂珠淚滴。點點滴成斑。待伊來敬共伊言。須改往來段卻顛。

又

高捲珠簾。垂玉牖。公子王孫女顏容。二八小娘。滿頭珠翠影爭光。百步惟聞蘭麝香。口含紅豆相思語。幾度遙相許。修書傳與蕭娘。儻若有意嫁潘郎。休教潘郎再斷腸。

洞仙歌

華燭光輝。深下幰幰。恨征人久鎮邊夷。酒醒後。多風措。少年夫婿。向綠窗下左偎右倚。擬鋪鴛被。把人尤泥。須索琵琶重理。曲中彈到想夫憐處。轉相愛幾多思意。卻在緒裏。克鴛衾枕。願長與今宵相

似。

又

悲雁隨陽。解引秋光。寒恐響。夜夜堪傷。淚珠串滴。旋流枕上。無計恨征人。爭向金風漂蕩。擣衣嘹亮。
懶寄迴文。先往戰袍。待穩絮重更。薰香慙慙。憑鐸使追訪。願四塞來朝明帝。令我夫壻免教流浪。

破陣子

蓮臉柳眉休暈。青絲罷籠雲。煖日和風花帶媚。畫閣雕梁燕語新。捲簾恨其人。寂寞長垂珠淚。焚香
禱盡靈神。應是瀟湘紅粉繼。不念當初羅帳恩。拋兒虛度春。

又

日煖風輕佳景。流鶯似問人。正是越溪花捧豔。獨隔千山與萬津。單於迷虜塵。雪落梅愁地。香檀枉
注歌唇。欄徑萋萋芳草綠。紅臉可知珠淚頻。魚箋豈易呈。

又

髻綰湘雲淡淡妝。早春花向臉邊芳。玉腕慢從羅袖出。捧杯觴。纖手分行勻翠柳。素喉歌發遶雕梁。但是五陵爭忍得。不疏狂。

柳青娘

素絲髻綰臉邊芳。淡紅衫子掩酥胸。出門斜撚同心弄。意恹惶。故使橫波認玉郎。叵耐不知何處去。教人幾度挂羅裳。待得歸來須共語。情轉傷。斷卻妝樓伴小娘。

又

碧羅冠子結初成。肉紅衫子石榴裙。數著煙脂輕輕染。淡施檀色注歌脣。含情喚小鶯。只問玉郎何處去。纔言不覺到朱門。扶入錦口口口口。口慙慙。因何辜負少年人。

傾杯樂

憶昔笄年。未曾離過生長深閨苑。閒憑著繡牀。時拈金針。擬貌舞鳳飛鸞。對妝臺。重整嬉恣面。知身世。算料豈教人見。又被良媒。苦出言詞相誘。該每道說水潔鴛鴦。惟指梁間雙燕。被父母將兒匹配。便認多生宿姻眷。一旦嫁得狂夫。攻書業拋。要求名宦。縱然選得一時朝要。榮華爭穩便。

又

窈窕逶迤。貌超傾國應難比。渾身掛綺羅。未省從大得知。臉如花。自然多嬌媚。翠柳畫蛾眉。橫波如同秋水。裙步石榴。血染羅衫子。觀豔質語軟言輕。玉釵墜素綰烏雲髻。年二八。久鎖香閨。愛引鴉兒鸚鵡戲。十指如玉如葱凝。酥體雪透羅裳裏。堪嫁與公子王孫。五陵年少風流壻。

內家嬌

絲碧羅冠。搔頭墜髻。寶裝玉鳳金蟬。輕輕浮粉。深深長畫眉綠。雪散胸前。嫩臉紅脣。眉如刀割。口如朱丹。渾身掛異種羅裳。更薰龍腦香煙。屐子齒高慵移步。兩足恐行難。天然有靈性。不嫁凡夫。招事無不會。解烹水銀練玉燒金。別盡歌篇。除非卻應奉君王。時人未可趨顏。

又

兩眼如力。渾身似玉。風流第一佳人。及時衣著梳頭京樣。素質豔麗青春。善別宮商。能調絲竹。歌令尖新。任從說洛浦陽臺謾將比。並無因。半含嬌態。逶迤換步。出閨幃幃。搔頭重慵。憊憊不插。只把同心。千遍撚弄。來往中庭。應是降王母仙宮。凡間略現容真。

拜新月

蕩子他別去。已經新歲未還歸。堪恨情如水。到處輒狂迷。不思家園花下。遙指祝神明。直至如今。拋妾獨守空閨。上有穹蒼在三光。也合遙知。倚幃幃坐。淚流點滴。金粟羅衣。自嗟薄命。緣業至於斯。乞求待見面。誓不辜伊。

又

國泰時清晏。咸賀口列多賢士。播得羣臣美卿。敢同如魚水。況當秋景。莫葉初敷。卉白登新樓上。仰望

蟾色光遲迴。顧遇玉兔影媚。明鏡匣參差斜墮。澄波美。猶怯怕衝半鉤耳。萬家向月下。祝告深深。跪願皇壽千千歲。登寶位。

拋球樂

珠淚紛紛溼綺羅。少年公子負恩多。當初姊姊分明道。莫把真心過與他。口口子細思量著。淡薄知聞解好麼。

又

寶髻釵橫墮鬢斜。殊容絕勝上陽家。蛾眉不掃天生緣。蓮臉能勻似早霞。無端略入後園看。羞殺亭中數樹花。

漁歌子

靚顏多。思夢誤花枝。一見恨無路。心哽噎。淚如雨。見便不能移步。五陵兒。嬌態女。莫阻來情從過與。

暢平生。雨風措。若得丘山不負。

又

洞房深。空悄悄。虛把身心生寂寞。待來時。須祈禱。休戀狂花年少。淡勻妝。周旋妙。只爲五陵正渺渺。胸上雪。從君咬。空把千金買笑。

喜秋天

潘郎妄語多。夜夜道來過。賺妾更深獨弄琴。彈盡相思破。寂寂更深坐。淚滴濃煙翠。何處貪歡醉不歸。羞向鴛衾睡。

又

芳林玉露摧。花蕊金風觸。永夜嚴霜萬草衰。擣練千聲促。誰家臺榭曲。嘹亮宮商足。暮恨朝愁不思聞。早晚離塵土。

雜曲

望江南

天上月。遙望似一圍銀。夜久更闌風漸緊。爲奴吹散月邊雲。照見負心人。

又

五梁臺上月。一片玉無瑕。迤邐看歸西口去。橫雲出來不口口遮。鬢鬢饒天涯。

菩薩蠻

自從宇宙光戈戟。狼煙處處獺天黑。早晚豎金鷄。休磨戰馬蹄。 森森三江水。半是儒生淚。老尙逐今財。問龍門何日開。

長相思

作客在江西。富貴此間稀。終日紅樓上。口口舞着棋。
頻頻滿滿酌。醉如泥。輕輕更換金卮。盡日貪歡
逐樂。此是富不歸。

又

哀客在江西。寂寞自家知。塵土滿面上。終日被入欺。
朝朝立在市門西。風吹淚口雙垂。望家鄉長短。
此是貧不歸。

又

作客在江西。得病臥毫釐。還往口消息。看看似別離。
人曳在道傍西。耶孃父母不知。上剗排書字。此
是死不歸。

雀踏拔

叵耐靈鷲多瞞語。送喜何曾有憑據。幾度飛來活提取。鎖上金籠休共語。
比擬好心來送喜。誰知鎖

我在金籠裏。願他征夫早歸來。騰身卻教我向青雲裏。

又

獨坐更深入寂寂。分離路遠關山離。寒雁飛來無消息。口口牽斷心腸憶。仰告三光垂淚滴。耶孃甚處傳書覓。自歎夙緣作他邦客。辜負尊親虛勞力。

虞美人

翠柳眉間綠。桃花臉上紅。薄羅衫子掩酥胸。一段風流難比。像白蓮出水。

南歌子

悔嫁風流婿。風流無準憑。攀花折柳得人憎。夜夜歸來沉醉。千聲喚不應。迴覩簾前月。鴛鴦帳裏燈。分明照見負心人。問道些須心事。搖頭道不曾。

失調

孟姜女犯凜清。一去燕山更不歸。造得寒衣無人送。不免自家送征衣。長城路實難行。歌醜山下雪。零口喫酒則爲障。飢病願身強健早還歸。

又

當前立拜辭娘。不覺眼中淚千行。勸勸你耶娘少張皇。爲喫他官家重衣糧。辭娘入清房。莫將生分向耶娘。君去前程但努力。不敢放傲向公婆。

望江南

娘子麵礮口再重磨。昨來把莫行里小。蓋緣傍伴姘夫多。眇議不來過。莫攀我。攀我大心偏。我是曲江臨沱柳。者人折了那人攀。恩愛一時間。

又

龍沙塞路。遠隔煙波。每恨諸暮生留滯。只緣當路寇讎多。怨屈却奈何。皇恩溥。聖澤遍天涯。大朝官

著中外使。今回絕塞暫經過。路逕合通和。

又

燉煌郡。四面方蕃圉。生靈若屈青天見。數年路隔失朝儀。目斷龍墀。新恩降草木。光暉若不遠仗天威力。何隍必陷戎夷。早晚聖人知。

酒泉子

江耳薄寒。搗毆并耳擺金轡。魯緩數陣戰復冤。用勢却還邊。入陣之時。汗流似血。齊敵一聲而呼歇。但則投陣卷旗旛。計散邦金艱。

又

三尺青蛇。斬新鑄就就鋒刃剛。沙魚裏霸用銀裝。寶貝七星光。曾經長蛇偃月陣。一遍離匣神鬼怕。鴻門會上佑明王。勝用一條鎗。

楊柳枝

春去春來春復春。寒暑來頻。月生月盡月還新。又被老催人。只是庭前千歲月。長在常存。不見堂人。百年人盡總化爲陳。

魚歌子


繡簾前。美人睡。廳前鴉子頻頻吠。雅奴卜。玉郎至。扶下驂騑沉醉。出屏幃。正雲起。鴛啼溼盡相思被。共別人。好說我。不是得莽辜天負地。

又

春雨微。香風少。簾外鶯啼聲聲好。伴孤屏。微語笑。寂對前庭悄悄。當初去。向郎道。莫保青娥花容貌。悵惶交。不歸早。教妾思在煩惱。

南子歌

獲牽相邀命。攀連坐未閒。卑微得接對。尊顏今日同。



版權所有
翻印必究

中華民國三十七年九月初版

敦煌文鈔

全一册 定價金圓券二角五分

(外埠酌加運費匯費)

編者 盧前

發行人 蔣志澄

印刷所 正中書局

發行所 正中書局

(2521)

整裕校
自裕

